

يا رب دیدى . او ايسه اکا سويلوب سنك دعا ايله صدقه لك تذکار
 ۵ اولق اوزره اللهك حضورينه چيقدیلر ❖ و شمدي يافيه ادملر
 ۶ کوندروب بطرس لقبو سمعونی دعوت ايله ❖ او ايسه سمعون نام بر
 دباغك ياننده مسافر اولوب بونك اوی دخی دكرك کارنده در . سکا نه
 ۷ ايتك كرك ایدیكنی او سکا سويليه (دیدى) ❖ ایمدی قورنیلوسه خطاب
 ایدن ملك مفارقت ایدنجه کندی خدمتکارلرندن ايکی کسنه ايله ياننده
 ۸ دائما دورانلردن بر دیندار جنگجی چاغروب ❖ بونلره هر شی بی نقل
 ۹ ایدوب انلری يافيه کوندردی ❖ و ایرتسی کون انلر بولده کیده رك
 شهره ياقلشور ايکن بطرس ساعت التی صولزنده دعا ايتك اوزره طامه
 ۱۰ چيقدی ❖ و آج اولغله طعام ايتك استرايدی فقط حاضر ایدرلر ايکن
 ۱۱ اکا وجد واقع اولدی ❖ و سما کشاد اولغله يیوک چارشبه بکرز
 درت باشندن باغلو و يره نزول ایدوب کنديسنه نازل اولان بر قاب
 ۱۲ کوردی ❖ بونك درونده يرك هر درلو درت اياقلى حيوانات و وحشيات
 ۱۳ و حشرات ايله هوا قوشلری وار ایدی ❖ و اکا بر آواز کلوب ای
 ۱۴ بطرس قالقوب بوغازله و يه دیدی ❖ اما بطرس حاشا يا رب زیرا
 ۱۵ حرام يا خود ناپاك نسنه بی بر وقت یمادم دیدی ❖ و تکرار ایتکجی دفعه
 اوله رق اکا بر آواز (کلوب) اللهك تطهير ایتدیکنی نسنه لره سن
 ۱۶ حرام دیمه دیدی ❖ بو دخی اوچ کره واقع اولدقه اول قاب ينه سمایه
 چکلدی .

۱۷ ایمدی بطرس بو کوردیکی رؤیا نه اوله دیو کندی درونده تشكک
 ایدر ايکن اشته قورنیلوسدن کوندریلان ادملر سمعونك اونی صورمغه
 ۱۸ قپو اوکنده دوروب ❖ بطرس لقبو سمعون بوراده می مسافر در چاغروب
 ۱۹ سؤال ایدیورل ایدی ❖ اما بطرس ده ا رؤیا ایچون تفکر ایدر ايکن
 ۲۰ روح اکا اشته سنی اوچ ادم ارایور ❖ ایمدی قالقوب این هیچ بر شبهه